



Nefndasvið Alþingis
Austurstræti 8-10
150 Reykjavík
nefndasvid@althingi.is

Reykjavík, 12. mars 2015
Tilvísun: 201503-0001

Efni: Frumvarp til laga um um breytingu á lögum nr. 10/2008. Þingskjal 976, 562. mál.

Alþýðusambandi Íslands hefur borist til umsagnar frumvarp til laga um breytingu á lögum um jafna stöðu og jafnan rétt kvenna og karla, nr. 10/2008, með síðari breytingum (vörukaup, þjónusta).

ASÍ lýsir yfir ánægju sinni með ofangreint frumvarp og leggur áherslu á – líkt og í fyrri umsögn um málið frá 06.12.2013 – að tilskipun Evrópuráðsins 2004/113/EB sé innleidd í íslenska rétt.

Í athugasemdum með frumvarpinu er gerð ítarleg grein fyrir framkvæmd tilskipunarinnar og þeim dómum sem þegar hafa fallið og hvernig ber að túlka þá, en meginmarkmið tilskipunarinnar er að tryggja að kynjunum sé ekki mismunað við kaup eða afhendingu þjónustu.

Lög nr. 10/2008 leggja sérstaka áherslu á jafnrétti á vinnumarkaði en með innleiðingu tilskipunarinnar er verið að stuðla að jafnrétti kynjanna ekki eingöngu á vinnumarkaði, heldur á öðrum sviðum samfélagsins.

F.h. Alþýðusambands Íslands

A handwritten signature in black ink, which appears to read 'Marianna Traustadóttir'.

Marianna Traustadóttir,
sérfræðingur

Alþýðusamband Íslands

Sæturni 1 • Reykjavík
Sími: 535 5600 • Fax: 535 5601
asi@asi.is • www.asi.is

Nefndasvið Alþingis
Allsherjar- og menntamálanefnd
Austurstræti 8-10
150 Reykjavík


Reykjavík, 16. mars 2015

Efni: Umsögn BSRB um frumvarp til laga um breytingu á lögum um jafna stöðu og jafnan rétt kvenna og karla, nr. 10/2008, með síðari breytingum (vörukaup, þjónusta), þskj. 976-562. mál.

BSRB hefur fengið til umsagnar frumvarp til laga um breytingu á lögum um jafna stöðu og jafnan rétt kvenna og karla, nr. 10/2008, með síðari breytingum (vörukaup, þjónusta).

BSRB kom að málinu þegar frumvarp með sambærilegu ákvæði og nú er lagt til að verði innleitt með 1. gr., var lagt fram á 143. þingi og gerir því ekki athugasemdir við frumvarpið.

Fyrir hönd BSRB


Helga Jónsdóttir
framkvæmdastjóri



Nefndasvið Alþingis

Austurstræti 8-10
150 Reykjavík

Akureyri, 20. mars 2015
1503015 IE

Efni: Umsögn um frv. til breytinga á jafnréttislögum nr. 10/2008, (vörukaup og þjónusta).

Jafnréttisstofu hefur borist til umsagnar 562. mál á þskj. 976, frv. til breytinga á lögum um jafna stöðu og jafnan rétt kvenna og karla, nr. 10/2008, með síðari breytingum (vörukaup, þjónusta).

Um er að ræða frumvarp til að innleiða tilskipun Evrópuráðsins nr. 2004/113/EB en þau ákvæði sem eru í frumvarpinu voru í frumvarpi til breytinga á jafnréttislögum sem lagt var fyrir Alþingi á 143. lþ. og var samþykkt að öðru leyti en hvað varðar umrædd ákvæði. Síðan þá hefur EFTA-dómstóllinn kveðið upp dóm um brot Íslands skv. EES-samningnum með því að innleiða ekki umrædda tilskipun.

Í umsögn sinni, dags. 9. desember 2013, sagði Jafnréttisstofa um þau ákvæði sem nú eru til umsagnar, þ.e. þingmál 562 á þskj. 976: „...felur frv. í sér innleiðingu á tilskipun Evrópusambandsins nr. 2004/113/EB um bann við mismunun í tengslum við kaup á vöru og þjónustu. Í athugasemdum við 5. gr. frv. er gerð ítarleg grein fyrir innihaldi tilskipunarinnar en dómur hafa þegar fallið um hvernig beri að túlka hana. Tilgangurinn er að tryggja að kynjunum sé ekki mismunað við kaup eða afhendingu á þjónustu nema að málefnaleg rök búi að baki. Frv. mun væntanlega afa áhrif t.d. á váttryggingar en það nær ekki til trygginga sem tengjast atvinnu fólks. Jafnréttisstofa gerir ekki athugasemdir við innleiðingu þessarar tilskipunar.“

Jafnréttisstofa ítrekar fyrri athugasemdir og telur brýnt að samþykkja frumvarpið hið fyrsta til að tryggja jafna stöðu kvenna og karla með þeim hætti sem skylt er samkvæmt skuldbindingum Íslands skv. EES-samningnum.

Rétt er að taka fram að í greinargerðinni með frumvarpinu segir að frumvarpið hafi verið unnið í nánú samstarfi við Jafnréttisstofu. Við þá yfirlýsingu gerir Jafnréttisstofa athugasemd enda ekki verið haft samráð við Jafnréttisstofu um þetta frumvarp sérstaklega. Hins vegar var haft ákveðið samráð við Jafnréttisstofu fyrir nokkrum



misserum um fyrirhugaðar umfangsmiklar breytingar á réttarstöðu minnihlutahópa með innleiðingu svokallaðra mismununartilskipana ESB og fyrirhugaða útvíkkun á hlutverki Jafnréttisstofu. Þau frumvörp voru kynnt á heimasíðu velferðarráðuneytisins fyrir meira en ári síðan og voru á málalista ráðuneytisins síðast liðið haust. Þessi lagafrumvörp hafa hins vegar ekki komið fram ennþá, þrátt fyrir brýna nauðsyn á þeim réttarbótum sem þau boða.

Virðingarfyllst

Ingibjörg Elíasdóttir

lögfræðingur

Velferðarnefnd Alþingis

Nefndasvid@althingi.is

Umsögn um Frumvarp til laga um jafna stöðu og jafnan rétt kvenna og karla (EES-reglur) Mál nr. 562.

Þar sem hér er um sama mál að ræða og þingmál 176/2013 og við sendum umsögn um dags. 27.11.2013 sjáum við ekki ástæðu til að gefa aðra umsögn en vísun til fyrri umsagnar sem er í fullu gildi.

Reykjavík 17. mars 2014.

Jóna Valgerður Kristjánsdóttir, formaður LEB



SIÐMENNT
Félag siðrænna húmanista á Íslandi
Æsufelli 4, 2F
111 Reykjavík
www.sidmennt.is
sidmennt@sidmennt.is

Umsögn um frumvarp til laga um um breytingu á lögum nr. 10/2008. Þingskjal 976, 562. mál

Stjórn Siðmennt styður framkomið frumvarp og leggur til að það verði samþykkt.

Siðmennt, félags siðrænna húmanista á Íslandi, hefur borist til umsagnar frumvarp til laga um breytingu á lögum um jafna stöðu og jafnan rétt kvenna og karla, nr. 10/2008, með síðari breytingum (vörukaup, þjónusta).

Markmið frumvarpsins er samkvæmt athugasemdum við það að „... jafna meðferð karla og kvenna að því er varðar aðgang að og afhendingu á vörum og þjónustu.“

Frumvarpið fellur því að grundvallarstefnu siðrænna húmanista þar sem jafnrétti kvenna og karla eru grundvallarmannréttindi.

Stjórn Siðmenntar vill nota tækifærið og óska eftir því við þingmenn að sambærilegar lagabreytingar verði gerðar til að tryggja fólki jafnrétti út frá öðrum þáttum svo sem kynhneigð. T.d. er opinberum starfsmönnum heimilt að mismuna fólki eftir kynhneigð en prestar geta beitt rökum um „samviskufrelsi“ og neitað samkynhneigðum pörum um að gefa þau saman í hjónaband.

Stjórn Siðmenntar lýsir yfir vilja sínum til að mæta á fundi til þess að rökstyðja svar sitt betur.

Reykjavík, 18. mars 2015

Virðingarfyllt

F.h. Siðmenntar

Bjarni Jónsson

bjarni@sidmennt.is